

**Siunissami portørit nakorsaatnik anniarunnaarsitsisartunik
nakorsaasiisinnaanngorligit portøritut ilinniartitaanerup annertusineqarnissaannik
aallartitsinissamik Naalakkersuisut peqquneqarnissaannik Inatsisartut
aalajangiiffigisassaattut siunnersut.**

(Inatsisartunut ilaasortaq Doris Jakobsen, Siumut)

Akissuteqaat

(Ilinniartitaanermut, Ilageeqarnermut, Kultureqarnermut Naligiissitaanermullu
Naalakkersuisoq)

Siullermeerinninneq

Siunnersuuteqartup siunnersuutigaa portøritut ilinniarneq annertusinissaanik suliniuteqarnerup aallartinneqarnissaanik Naalakkersuisut peqquneqassasut, taamaalilluni portørit siunissami anniarunnaarsaatnik nakorsaasiinissaassallutik.

Portørit maannakkut sulinermut atatillugu anniarunnaarsaatnik nakorsatinilluunniit allanik nakorsaasiineq ajorput, tamannalu ilinniarneranni aamma ilaaneq ajorpoq.

Peqqinnissaqarfimmi aqutsisut naliliipput portørit anniarunnaarsaatnik nakorsaasiisarnissaat kissaatiginanngitsoq, tassa portørit annertuumik ajortoorernut atatillugu sulisunit suliamik ingerlatsisunit anniarunnaarsaatnik aqutsisinnaasunik nakorsaasiisinnaasunillu ingiallordeqarajuttarmata. Aammattaaq Kalaallit Nunaanni illoqarfinni sumiiffit imminnut ungasinneq ajorput. Ajutoorfimmi ingerlannginnermi misissuinerit katsorsaanerillu napparsimasup napparsimavimmukaanneqarnissaa kinguarsarsinnaavaat.

Portøritut ilinniarnermi anniarunnaarsaatnik nakorsaasiinissamut piginnaasaqalissappata ilinniarneq sivitsortariaqassaaq. Peqqissaanermik Ilinniarfik naliliivoq atuagarsornermi suliassanillu ingerlatsinermi ilinniarneq sivitsortariaqassasoq. Ilinniartitsissut nakorsaatilerineq pisariaqassaaq. Nakorsaatit pillugit atuakkat taamaallaat danskisujupput ilinniartullu danskisut piginnaasaqarnissaannik annertunerusumik piumasqaateqartariaqassaaq imaluunniit nutserisunut ilinniartitsisunullu suliamik ingerlatsinermi oqaatsitigullu naleqquttunik piginnaasalinnut aningaasaliisoqartariaqassalluni.

Peqqissaanermik Ilinniarfik aamma naliliivoq ilinniartut ilinniarnermut atatillugu sivikitsumik sulinermanni nakorsaasiisarnermut tunngatillugu angusassanik angusinissaat qulakkeeruminaatsoq. Naalakkersuisut isumaqarput ilinniartut nakorsaasiisarnermik eqortunik piginnaasaqalerniarlutik atuagarsornerisa suliassanillu ingerlatsinerisa annertuumik sivitsornerat sivikitsumik ilinniarnermi kissaatiginanngitsoq.

Naalakkersuisut qulaaniittut tunngavigalugit inassuteqaatigaat siunnersut itigartinneqassasoq.